



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiæ, 1595

21. Quem oportet quidem cœlum suscipere vsque in tempora restitutionis omnium.

urn:nbn:de:hbz:466:1-39424

tota pœnitentiæ doctrina corrupta totam confundit. Quod alio loco disputatum hic reperendum non est.

21. *Quem oportet quidem calum suscipere vsque in tempora restitutionis omnium.*

Sacramentarij omnes contra Christi in venerabili Eucharistia præsentiam realem & corporalem, hoc loco certatim & creberrimè abusi sunt. In calo, inquit, vsque ad mundi consummationem Christus corporaliter habitat, ergo non est in terris verū eius & reale corpus. Huic putido paralogismo breuissimè responderetur: In forma quidem & specie naturali, & veluti loco ordinario, ad dexteram Dei in calis sedet Christus vsque ad diem extremi iudicij. Sed illa in calis sessio, gloria, potestas, neque sacramentali præsentia veri & naturalis corporis quicquam obest; neque impedit quominus etiam visibiliter in terris apparere potuerit. Sicut Saulo apparuit tum in via eunti Damascum, tum postea. Beza, ut huic argumento maiorem vim adderet, textum sibi corrumpendum iudicauit. Quare vertit hæc verba: *Quem oportet calo capi, id est, inquit, calo contineri. Quod autem passuum dicendi genus potius quàm actuum usurpauerimus, factum est à nobis ut amphibolia omnis vitaretur. Nam opera pretium est in Ecclesia Dei extare perspicuum hoc testimonium aduersus istos qui pro eo quod fide ascenden-*

Christus
in calo &
in sacra-
mento.

Act. 9. &
26.
1. Cor. 15
Beza cor-
ruptela.

In editio-
ne anni
1565.

ascendendum est nobis in calos ut capiti nostro coniungamur, corpus Christi iterum e calo censent evocandum. Hæc Beza, & hanc manifestam eius corruptelam veluti ducem cecum, cæcus sequitur Gul. VVhitakerus contra decem rationes Campiani disputans. Anglis quippe Calvinistis Calvinianæ & Bezanæ corruptelæ oracula sunt. Cæterum Beza ipse propter hanc tam luculentam divinæ scripturæ corruptionem, qua (ut ipse fatetur) *verbum actuum vertit in passivum*, atque ita ex mansione libera facit necessariam, à Lutheranis ipsis egregiè flagellatus, in posteriori suarum annotationum editione scdum hunc errorem corrigit, & VVhitakeri aliorumq; stupiditatem, qui illi tam strenuè applaudere voluerunt, ipsemet vi veritatis adactus redarguit. Nam in editione anni 1588. per eundem Henricum Stephanum ita hunc locum vertit: *Quem oportet quidem cæli capiant.* Moxque in annotatione ita scribit: *Quam interpretatione ideo prætuli, quum antea verterim passivè, Quem oportet calo capi, eadem prorsus manente sententiâ, ut eorum clamores compeſcam qui mei ut hæretici peruersissimi damnandi occasionem ex eo arripuerunt, quod actiuam locutionem passivâ expresserim.* Hæc ibi. Bene se res habet: suam corruptelam frequenti refutatione coactus correxit. Quod autem ait eandem manere sententiâ, fallitur egregiè. Quis enim non videt quantum hæc duo differât:

C 5 Oportet

Oportet me Romæ habitare; & Oportet me in vrbe Roma tota vita cōcludi & contineri? Hoc enim posterius carceris modum notat, quem exire non liceat. Illud prius non nisi habitationem liberam designat; quæ non impedit quo minùs frequenter extra urbem Romam peregrinari liceat: habitatio quippe & mansio illa rectè dicitur quam ordinariè tenemus, & vbi fixam sedem ponimus, tametsi frequenter aliò migremus. Sic Christus cælum quidem inhabitat vsque ad extremum iudicij diem: sed hæc habitatio non impedit quo minùs se etiam in terris aliquādo visibilem præbeat, vbi id Maiestati suæ ex re videbitur. Quod vni Paulo ipsum bis fecisse nuper ostendimus.

Act. 9. &
26.
1. Cor. 15.

22. *Moyſes quidem dixit: Quoniam Prophetam ſuſcitabit vobis Dominus Deus veſter de fratribus veſtris tanquam me. Ipſum audietis iuxta omnia quæ loquutus fuerit vobis.*
23. *Erit autem: omnis anima quæ non audierit Prophetam illum, exterminabitur de plebe.*

Christus
Propheta
à Moſe
prædi-
ctus.

Totam hanc prophetiam Moſaicam de ſolo Chriſto intelligi oportere, & ad ſolum Chriſtum à Petro reſtringi, multa demonſtrant. Primùm, quòd hac prophetia commemorata, ſubiungit Petrus: *Et omnes Prophetæ à Samuel & deinceps qui locuti ſunt, annunciant*